

آبونه شرائطی

ممالك عثمانیه ده سنه لکی (۶۵)، الق
ایله (۳۵) غروشدور .

ممالك احصیه ده سنه لکی (۱۷)، الق
ایله (۹) قرانقدر .

اداره خانه

باب عالی جاده سنده دائرة مخصوصه

اضطارات

آبونه بدلی پشندر .

§

مسلكه موافق آثار مع الممنوتیه قبول
اولنور . درج ایله بن یازیلر اعاده
اولونماز .

الکشاف

۱۳۳۰

دینی، فلسفی، علمی، ادبی، سیاسی هفته لقی مجموعه اسلامیه در.

اضطارات

رساله خردن آلمدیغی کو-تولمک شرطیله
بتون یازیلر هر هانسی بر خیزه طرفندن
افتیاس اولونه ییلیر .

§

مکتوبلرک، امضالرک واضح و اوقوناقلی
اولمسی و آبونه صره نومروس محتوی
بولونمس لازمدر .

§

ممالك اجسییه ایچون آبونه اولانلرک
آدرس لریشک هر انسرجه ده یازلمسی رجا
اولنور .

§

پاره کوندرلدیکی، ان نه یه د ثر اولدیغمک
واضحا ییلدیلمسی رجا اولنور .

والله یمهدی من یشاء الی صراط مستقیم

صاحب و مدیر مسئول: شرف اربیب

اتبعون اهدکم سبیل الرشاد

عدد ۲۷۴

۱۱ محرم ۱۳۳۲

پنجشنبه

۲۸ تشرین ثانی ۱۳۲۹

جلد ۱۱

و ابتدای تأسیس هیئت اداره‌نک النده مکتبه‌عاند اولمق اوزره یالکز ۳۵ لیرا قدر بر مبلغ بولومشدر . الیوم مکتبک اداره‌سی تحتند ۸-۹ فا کولته‌لی بر دارالفنون ، بر دارالمعلمین ، بر رشدیہ ، برده کجه فقرایه مخصوص اوجوز فیثائله تلمیم ایدر میخانیک مکتبی موجوددر . بو مکتبلرک مجموع طلبه‌سی ۱۷ بیکه بالغ اولمقددر .

بعده مکتبک فخری رئیس و حامیسی قونت (اوقوما) بر نطق ایراد ایدوب مکاتب عالیہ وفنون حاضرہ‌نک ژاپونیاده تولید ایتدیکی ترقیاتدن بحث ایتدکدن صوکره دیدی‌که : « صدارتی ترک ایتدیکم وقت فرق سیاسیہ‌نک تأثیری خارجنده بر ایش کورمک و وطنمه مفید ملی بر عنصر متجدد یتشدیرمک املی بی دائماً تحریک ایتدیکنندن او وقته قدر بر لیسه حانده بولنان شو مکتبی دارالفنون حالته افراغ ایچون چالشم . دارالفنون اولارق اعلان اولوندی کوندن اعتبارآده ملی بر روح ، ملی بر فکر میدانہ کتیرمک بولنده صرف غیرت ایتدم و حمد اولسون ، شمدی ۳۰ سنه‌لک عیدینی اجرا ایتدی کمز شو دارالفنون ، آنی اکال ایدن محترم افندیلر ، آنلرک طوطدقلری مسلک‌لر بنم بو آرزومک حیز فعاله چیقدیغی بکا اثبات ایتدی . »

بعده مکتبک جهت مالیسی اداره ایدن هیئتک رئیس فخریسی مشهور اغنیادن بارون شیوزاوا بر نطق ایراد ایدوب مکتبک ۳۰-سنه‌لک بودجه‌سنگ قیصه بر حسابی ، الیوم سرمایه‌سنگ ۹۰۰ بیک یه‌نه ، یعنی یوز بیک انکلیر لیراسنه بالغ اولدیغی ، بوندن صوکره مکتبک اوقدر بیوک مبلغ‌لر صرف اتمه یه یک احتیاجی اولمیدیندن سنه بسنه بونک تزیاید ایدہ جکنی سوبله‌دی .

بارون شیوزاوا انک لطفندن صوکره ایمپراطور ، باش وکیل ، معارف ناظری ، توکیو بلدیہ رئیس ، مجلس مبعوثان رئیس و بعض سفارتلردن کلن تبریک نامه‌لر مخصوص کوندلش مأمورین طرفندن احترامات مخصوصه ایله اوقوندی .

بعده برقاج یوز تبریک تلغرافلری کلشده بونلرک جله‌سی اوقومق بیوک بر زمان اشغال ایدہ جکنندن قرائتندن صرف نظرله یالکز سامیسی عرض اولوندی . اوروبانک اک مشهور کبرج ، برلین ، ویانه دارالفنونلردن یونانستانک آتیه دارالفنوننه قدر و آمریقانک برقاج دارالفنونلردن تمام ۳۷۵ دارالفنون اسمی ذکر ایدلدی . یالکز بزم درسعادت دارالفنونک اسمی ایشیددم . بعده متنوع دارالفنونلر طرفندن کوندلش وکیلر ، شو جله‌دن اوقسفورد ، واشینگتون ، سان فرانسیسکو ، موسقوا دارالفنونلرینک وکیللری مزین قوطیلره موضوع تبریک نامه‌لری قرائت و تقدیم ایتدیلر .

مسافرین میانده امریقا جواهر متفقه‌سی رئیس نامه سفیری ، روسیه سفیری ، چین جمهوریتی سفیری (اسلام) ما افندی ، آرژانتین سفیری ، بولمقدہ ایدی .

آقشام ساعت ۶ ده طلبه تکرار مکتبک میداننده اجتماع ایدوب کوچوک ژاپون فنارلرینه موملر باقوب ایمپراطور سراینک اوکنه قدر

کیدہ‌رک اوراده ملی مارشلر تغنی ایتدیلر . رسم کچیدده هربر فا کولته کندی بایراغی برابر کوتورمکدر ایدی . فا کولته مزک علمدارلغی ده فخریاً بکا توزیع ایتدیلر . عون حقله ژاپونلرک مستقبل‌ده کی منور بر طبقه‌سنگ علمدارلغی وظیفه‌سی ایفا ایتک شرفنه نائل اولدم .

۱۸ تشرین اولده مکتبک قایق یاریشلی ، ۱۹ نده کورش وسائر م باقهلر اجرا اولنوب یکریمسندن یکریمی بشینه قدرده هر فا کولته کندی دائر سنده ژاپونیانک المی سنه‌لک تاریخنه‌عاند و کندی اختصاصی داخلنده متنوع موزلر ، سرکیلر کشاد ایتشدی . سرکیلر میانده تجارت و میخانیک فا کولته‌سنگ سرکیلری شایان حیرت ایدی . اوقدر کوزل و اینجه دوشوشلش اشیا موجود ایدی که مثله حقیقی سرکیلرده سیله نادر تصادف اولنور . موزه خانہ‌لر میانده ده حقوق ، سیاست فا کولته‌لرینک ترتیب ایتش اولدقلری موزلر شایان دقت اولوب ژاپون لرک یاریم عصرده کی ترقیات فکریه‌لری ، تبدلات سیاسیہ‌ی ارانه ایدیوردی . بو موزه‌خانه و سرکیلری بش کون ظرفنده ۸۰ - ۹۰ بیک زوار سیر ایتشد .

طلبه میانده برده بیک انکلیر لیراسی قدر بر مبلغ طویلا نوب مکتبک اجرت تحصیلیه‌سی و یردمین طلبه‌ایچون مکتبه تأدیہ ایتک اوزره بوندن یکریمی سنه صوکره دن اعتباراً استعمال اولونمق شرطیله بانقه‌یه دتویع اولومشدر .

عبدالرشید ابراهیم اوغلو
توکیو : احمد منیر

آناطولی مکتوبلری :

برکی مدرسه‌لری

اولجہ یازدیقم وجهله برکی قصبه‌سی آناطولینک یک مهم قصبه‌لردن در . دینه بیلرکه ، زمانزده بعض اوروبا مراکز علمیہ‌سی نه ایسه بر وقتلر برکی‌ده اویله ایش ؛ «مدینة‌العلوم» اطلاقه شایسته بر مملکت ایش . بونک ایچون درکه - هر بریسی زمانک عادتاً بر دارالفنون ماثبه‌سندہ اولان - بر چوق مدرسه‌لر بنا ایدلش ؛ او زمانک غنیاسی - زمانزده کی زدنکینلر کی بولدقلری بارہ‌لری سفاهته دکل ، ملتک سعادت و سلامتی مأمول اولان یرلر صرف ایتکی کندیلرینه بر شرف بیلدکلرندن - بونلرک پایدار اولایلمسی ایچون مهم اعانانده ، وقفیه‌لرده بولمشلر . بوجتله نسبتاً اوفاق بر قصبه اولان برکیده اوتوز ، اوتوز بش قدر مدرسه میدانہ کلش اولدیمی سولنیور . فقط بوکون اورتده اومدرسه‌لردن ، زمانده هر بریسی بر دارالفنون اولان آوآثار اسلافدن یک‌ده برشی قلامش در . بونلرک بعضی ییقلمش ، انقاضی بلیرسز بر حالده مرعایه قلب اولمش . بعضی ایسه باغجه اتحاد ایدیلوب آغاجلر غرس ایدلش در . بونلرک مدرسه اولدیغی مملکتک - آیاقلی کتبخانه‌لری مقامنده اولان - اختیارلردن بشقه کیسه بیلیمور . آنجق بناسی بر درجه‌یه قدر محافظه ایدہ بیلمش اولان مدرسه‌لر بر وجه آتی در :

۱ - سلطان شاه مدرسه‌سی ؛ بو مدرسه‌نک بانیسی امرای سلجوقیه‌دن محمد بکک زوجہ‌سی سلطان شاه خام‌در . بیک اون بش تاریخنده یادرمش در . بولندیغی موقع غایت کوزلدر .

۲ - طان اوغلی مدرسه‌سی ؛ بو مدرسه‌نک بانیسی (۱۱۰۰) سنه‌لرینه طومری قرمزاده‌دن اول دره بککی ایدن طبان اوغلی در .

او مدرسه‌لری بیقیدیمزدن طولایی اسکی بانیلر؛ اوقافی برطاقم اکلنک ائلدن آلوب ماوضع لهنه صرف ایتدیگمزدن طولایی ده واقفلر بزه کوجنه جک ظن ایدلسون. بالعکس اونلر بزدن راضی اولاجقلردر. بنساء علیه اوقاف نظارتی ایله باب مشیخت بو باده دهها زیاده بکله میهرک مدرسه‌لرک نه یولده اصلاح ایدیلجهکی دوشونلی ودرعقب ایشه باشلاملی درلر.

آفسکیلی احمد صمدی

الواح انتباه

اعتراف مظالم

بوماقلرک تبدیل مذهبه دأر

۸ تشرین ثانی ۹۱۳ تاریخی قامپانا غزته سندن:

«بوماقلر تاریخه، مراسم دینه به و بوکونه قدر محافظه ایتش اولدقلری عاداته نظراً و قتيله خرسیتیان ایدیلر. اسلامیتی جبراً قبول ایتدیلر. اسلامیت حسیات دینه واجتماعیه لرینه اوقدر تأثیر ایتدی که بالذات تورکلردن زیاده متعصب اولدیلر. فقط صوک درجه جاهل اولدقلری ایچون معلومات دینه‌لری پک آزدرد. حربی متعاقب تراکیانک بوماقلرله مسکون قسمتی بزاشغال ایتدک وایلک کوندن اعتباراً بعض وطن پروران برقاج عصر مقدم اسلامیتی قبول ایدن بوقومی خرسیتیانلغه ارجاع ایچون چالیشمغه باشلادی. صوفیه‌ده کی سینود مجلسی بیله بونوع وطنپرورانک امدادینه یئتشدی. راهب‌لردن؛ پیسقیوسلردن تشکل ایدن ایکی هیئت درحال مجتهد وظیفه‌سنی ایفایه باشلادی. فقط بونک ایچون وسائط معتدله به مراجعت ایتدی، بوماقلری خرسیتیانیتی قبوله، سلاح قوتیله، تهدیدله، خوف ودهشتله اجبار ایتدی، مقدس وعالی بوظیفه ایفا ایتک حسنک بخش ایتدیکی غلیانله تاریخی، انجیلی وقوانین دینه‌یی، خرسیتیانلغک جبری قطعاً منع ایتدیکی اونوتدی.

«بواشاده خرسیتیانیتک حقیقی رهبرلری انجیلک قوتنه مراجعت ایدیورلردی. بو هیئت حقوق عیسی‌نک اوامرینه رعایت ایتدی، مساعی مصروفه‌لری عقیم قالدی وعیسویت هدف استهزا اولدی. بو هیئتک بعض اعضاسی اوقدر شائبه‌دار ایدی که نفرتی موجب اولدی و بوماقلر بحق کندی کندیلرینه خرسیتیانلق بومی؟ سوألنی ایراد ایتدیلر.

«أوت، کلیسایه پرستشکار بویله قازانماز. بوملتی تحصیل ایتدیریکز، سنه‌لرجه برابر چالیشیکز، اویوشمش اولان حسیات دینه و ملیه‌لرنی تحریک ایدیکز، واووقت تبدیل مذهب ایتدیریکز. جیرآ تبدیل دین ایتدیرمه‌نک نتیجه‌سی بزجه معلومدر. روسیه‌ده بر میسیونر هیئتی واردرکه عظیم مقدارده پاره صرف ایدیور، میسیونرلره مخصوص بردارالفنونه مالک بولنیور وسنه‌لردن بری چالیشیور.

«بو هیئتک مساعیسنک نتیجه‌سی آنجق ۱۹۰۵ ده مساعدات مذهبه بخش اولندی زمان آکلاشدی! یعنی بیکلرجه اشخاص دین اصلیرینه (اسلامیه) رجوع ایتدیلر. میسیونرلک عالی برخدمتدر. اگر

۳ — مسکین زاده مدرسه‌سی بانیسی معلوم دکلدرد.

۴ — داماد زاده مدرسه‌سی؛ بونک بانیسی علمای محلیه دن داماد افتدی در.

۵ — محمد بک مدرسه‌سی؛ امرای سلجوقیه دن محمد بک بنا کرده‌سی در.

مشهور داود قارصی حضرتلری بو مدرسه‌ده مدرسلک ایتشدرد.

۶ — برکوی مدرسه‌سی؛ علوم عقلیه و نقلیه ده صاحب ید اولوب پک چوق

مؤلفاتیه مشهور انام اولان امام برکوی حضرتلرنک مدرسه‌سیدر؛ بومدرسه

برکوی حضرتلرینه مکافات اولقی اوزره سلطان یایزید ثانی طرفدن کارگیر

اولارق انشا ایتدیراش در.

۷ — بک زاده مدرسه‌سی؛ اکابر اغنیادن بک زاده‌نک بنا کرده‌سی در.

۸ — اوغوز آغا مدرسه‌سی؛ اکابر اغنیادن و علمادن اوغوز آغانامنده

بر ذات طرفدن انشا ایدلش در.

۹ — بدل مدرسه‌سی [ایکی دائره در] برکی دره بکلردن انقره‌لی ارسلان

بک طرفدن یایلدش در.

۱۰ — قره اوغلی مدرسه‌سی [ایکی دائره در] قره اوغلی حاجی محمد بک طرفدن

بنا ایدلش در.

۱۱ — قره اوغلی مدرسه‌سی. بانیسی، برکی دره بکلردن حاجی محمد

بک محمومی حاجی مصطفی بک.

۱۲ — ظین مدرسه‌سی. بانیسی معلوم دکلدرد.

۱۳ — جرید علی افتدی مدرسه‌سی. بانیسی معلوم دکلدرد.

۱۴ — حاجی عثمان مدرسه‌سی. اکابر اغنیادن عثمان اغا طرفدن یایلدش در.

۱۵ — حاجی فخرالدین مدرسه‌سی. بومدرسه‌ده یالکز بر اوطه وار؛

دیگر قسملری کاملاً ییقلمش در. حال بوکه و قتيله بومدرسه‌نک دکلد مدرسه‌لرینه،

طلبه‌سنه بیله اطعام طعام تخصیصاتی اولدینی سولنیور.

۱۶ — امینه خاتون مدرسه‌سی.

۱۷ — صنع الله افتدی مدرسه‌سی.

۱۸ — دارالحديث مدرسه‌سی.

و قتيله اوتوز، شمدی‌ده بوقدر اسملری صایلا بیلن مدرسه‌لرک و ققلری عجا زهیه کیتدی؟ مدرسه‌لر ایله برابر اونلرده حفرة نسیانه می کوه ولدی؟ زهیه کیتدیکنی صوریه هیچ حاجت وارمی یا! مدرسه‌لرک بنالری باقوشلره مسکن اولدینی کی اوقافی‌ده متوالیلره، اوقاف اداره‌سنه مأ کل اولقدردر. بوراده کی اوقاف، مان دیه بیلیم که، بر یرده یوقدر. بونکه برابر حال بویله!

برکیده حال حاضرده ایکی ویاخود اوچ مدرسه‌ده درس اوقونیور. طلبه‌لر کلنجه:

اوده بوش دکلد؛ اون بش یکر می قدر طلبه بولنیور. دیما که هر مدرسه به بر طلبه آنجق

اصابت ایدیور. ذاتاً آنماطوینک هر هانکی طرفته کیدسه ایش بومرکزده دکلی؟

اسلافزک بیوک بیوک امکار صرفیله وجوده کتیرمش اولدقلری او مبانی

معظمه‌نک هر بریسی - بزم کی شر الحلف اولادلرینک عطائی یوزندن - باقوشلره

ماوی اویش؛ اوقافی‌ده برطاقم متغلبه به مأ کل اولمش در. امان یازب بونه قدر

آجینه جق حال! عجا اوقاف نظارتی، باب مشیخت بو مسئله‌یی حالا دوشونمک

ایستمیورلرمی؟ ذاتاً مشیختدن بتون امیدلر منقطع اولقدردر. چونکه بوقدر وقایعه

رغمأ هنوز بر اثر حیات کوسترمه‌میدلر؛ در سعادت مدرسه‌لرینی بیله حالا بر اساسه ربط

ایده‌میدلر. اوقاف نظارتیه کلنجه: اوده بو خصوص ایچون بر قرار

اتخاذ ایده‌میور. حاصلی مدرسه‌لر تام معناسیله اسکی حال پریشانیسنی محافظه

ایتمکده در.

فکر عاجزانه مه قالیرسه بوکون برکی قصه‌سند مدرسه نامنه هیچ برشی

براقاملی؛ بونلرک هپسنی ده تاملندن ییقه‌رق برکینک الک کوزل موقعنه بیوک بر مدرسه

یاعلی؛ مدرسه‌لرک و ققلرینی ده جمع ایدرک بومدرسه به صرف ایتلی. برکیده شمدی

بر مدرسه یاقه‌لایان خواه‌لری ده او بیوک مدرسه به - شمدیلک هرکسک اقتداری

نسبتنده - معلم تعیین ایتلی. اگر بویله اولورسه هم، حال حاضرده برکیده بولنان

علمانک، هم‌ده او مدرسه به کیرمه‌جک اولان طلبه علومک معیشتلری تأمین ایدلش

اولور. بنساء علیه مدرسه عادتاً بر دارالفنون شکلی آلیر.